

12-02-2024

Sarajevo, \_\_\_\_\_

Broj: 58-11-3-5535
**KLINIČKI  
CENTAR  
UNIVERZITETA  
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 10-33-4-3714-3 od 07.02.2024.godine, V.D. Generalni direktori donosi:

### ODLUKU

o izboru najpovoljnijeg ponuđača za

### „Nabavku automatskog injektora kontrastnog sredstva“

#### I

Prihvata se prijedlog Komisije za javnu nabavku, **Izvještaj broj 10-33-4-3714-3 od 07.02.2024.godine**, za postupak **„Nabavke automatskog injektora kontrastnog sredstva“**, nakon provedenog otvorenog postupka objavljenog na portalu e-nabavke pod brojem obavještenja 893-1-1-548-3-737/23 od 28.12.2023.godine i ugovor o nabavci dodjeli ponuđaču **„BERG“ d.o.o. Sarajevo, u iznosu od 46.200,00 KM bez PDV-a**, a sve prema dostavljenoj ponudi broj P-PON-24-0028 od 22.01.2024.godine (KCUS broj 10-11-3-3325 od 26.01.2024).

#### Osnovni elementi ugovora:

- Vrijednost ugovora: **46.200,00 KM bez PDV-a + PDV 7.854,00 KM = 54.054,00 KM sa PDV-om;**
- Tip/model i proizvođač: **Automatski injektor kontrastnog sredstva MEDRAD STELLANT CT INJEKTOR; SCT-310; BAYER MEDICAL CARE INC; USA**
- Cijena je nepromjenjiva za cijeli ugovoreni period do okončanja ugovorenih obaveza i izražena u KM;
- Plaćanje ugovorenih obaveza vršit će se odgođeno u roku od 60 dana od dana isporuke, montaže i puštanja u rad, nakon potpisivanja Zapisnika o primopredaji opreme i ispostavljanja fakture;
- Garancija za isporučenu robu: 12 (dvanaest) mjeseci od dana potpisivanja zapisnika o prijemu opreme;
- Rok isporuke, montaže, puštanja u rad opreme i edukacije osoblja: 60 (šezdeset) dana od potpisivanja ugovora i izdavanja narudžbenice.

#### II

Izabrani ponuđač **„BERG“ d.o.o. Sarajevo**, sa sjedištem u ulici Grbavička 7A., 71 000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14 i 59/22), te iste nije u obavezi ponovno dostavljati.

#### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

### O B R A Z L O Ž E N J E

U skladu sa Odlukom br. 58-04-4-446506-1 od 26.12.2023.godine, pokrenut je postupak javne nabavke **„Nabavka automatskog injektora kontrastnog sredstva“**. Procijenjena vrijednost nabavke iznosi **46.200,00 KM bez uračunatog PDV-a**, a sredstava su planirana Izmjenom i dopunom Plana javnih nabavki za 2023. godinu pod klasifikacijom **„Robe“ redni broj 220** (Odluka o usvajanju izmjena i dopuna Plana javnih nabavki Kliničkog centra Univerziteta u Sarajevu za 2023. godinu, broj: 122/23 br. protokola 65-04-2-33780 od 19.09.2023. godine).

Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu dopisa Sektora za finansijsko, knjigovodstvene i planske poslove broj 56-11-3-6241 od 10.02.2023.godine).

Klinički centar Univerziteta u Sarajevu je 28.12.2023.godine, objavio Obavještenje o nabavci broj 893-1-1-548-3-737/23 na portalu e-Nabavke zajedno sa Tenderskom dokumentacijom za Nabavku automatskog injektora kontrastnog sredstva.

Obzirom da je tenderska dokumentacija za postupak nabavke objavljena na portalu e-Nabavke istu je preuzelo je 12 (dvanaest) potencijalnih ponuđača, a do krajnjeg roka određenog za prijem ponuda, 30.01.2024.godine do 11:30 sati na Protokol KCUS-a su dostavljene 2 (dvije) ponude što je evidentirano Zapisnikom o zaprimanju ponuda br. 10-33-4-3714 Od 30.01.2024.godine, koji čini sastavni dio Izvještaja.

#### PODACI O DOSTAVLJENIM PONUDAMA PONUĐAČA

Naziv ponuđača	BERG d.o.o. Sarajevo	Pharmacol International d.o.o. Banja Luka
Redni broj ponude	1.	2.
Broj i datum ponude	P-PON-24-0028 od 22.01.2024.g.	01-14/2024 od 29.01.2024.g.
KCUS broj, datum i vrijeme prispjeća ponude	10-11-3-3325 od 26.01.2024.g. u 10:56 h	10-11-3-3637 od 30.01.2024.g. u 08.37 h
Cijena ponude bez PDV-a (KM)	46.200,00	43.223,00

## Analiza dostavljenih ponuda

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 58-11-7-1148 od 10.01.2024.godine, je detaljnom analizom dostavljene dokumentacije za predmetni postupak nabavke, te računске provjere dostavljenih ponuda prilikom kojih nisu ustanovljene greške, Zapisnikom o pregledu i ocjeni ponuda broj 10-33-4-3714-2 od 07.02.2024.godine, konstatovala **da od dvije dostavljene ponude, jedna ponuda ne ispunjava uslove definisane tehničkom specifikacijom**, odnosno da se ponuda ponuđača „Pharmacol International“ d.o.o. Banja Luka, ocjenjuje kao **NEPRAVILNA** i **isključuje iz daljeg toka natjecanja**.

U skladu sa navedenim Komisija je donijela slijedeće zaključke:

- Ponuđač „Pharmacol International“ d.o.o. Banja Luka, je dostavio ponudu za „Nabavku automatskog injektora kontrastnog sredstva“, koju je Komisija ocjenila kao **NEPRAVILNU** iz razloga što ista nije u skladu sa tenderskom dokumentacijom, odnosno Komisija je detaljnom analizom dostavljene ponude konstatovala da ista zadovoljava formalno pravne zahtjeve, ali nije tehnički prihvatljiva i ne može učestvovati u daljem toku natjecanja jer nije dostavljena u skladu sa Aneksom 3 - tehničkom specifikacijom, odnosno tačkom 11. Tehničke specifikacije (Aneks 3) kojom je traženo „Mogućnost odlaganja faze-pauza (Phase delaycapability) do 900 sekundi“. Imenovani ponuđač je u tabeli upisao NE i naveo da je mogućnost odlaganja faze-pauza od 0-600, što predstavlja odstupanje od cca 33,3 % od navedenog zahtjeva u tehničkoj specifikaciji koji glasi: „Za ponudene tehničke parametre koji su (po kvalitetu ili kvantitetu) lošiji od onih traženih Aneksom 3, Ugovornom organu će biti prihvatljivo odstupanje istih u maksimalnom iznosu od ±2.5%“.
- Na osnovu analize ponude ponuđača BERG d.o.o. Sarajevo Komisija je konstatovala da ista ispunjava formalno pravne, tehničke i suštinske zahtjeve, a što je prikazano u Zapisniku o pregledu i ocjeni ponuda, gdje je dostavljena ponuda ocjenjena kao prihvatljiva i da može učestvovati u daljem toku postupka nabavke.
- Imajući u vidu naprijed navedeno, te činjenicu da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude a na osnovu analize ponuda kojom je Komisija jednoglasno konstatovala da je od 2 (dvije) dostavljene ponude, 1 (jedna) ponuda i to ponuda ponuđača „Pharmacol International“ d.o.o. Banja Luka, ocjenjene kao NEPRAVILNA, te da preostaje samo jedna prihvatljiva ponuda Komisija predlaže da se postupak okonča u skladu sa članom 69. 1) a) ZJN (Sl.glasnik BiH br. 39/14 i 59/22 ).

Obzirom da je cijena jedine dostavljene kvalifikovane ponude u okviru osiguranih sredstava za nabavku, te da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izvjestaja broj 10-33-4-3714-3 od 07.02.2024.godine**, da se nakon provedenog otvorenog postupka sa Obavještenjem o nabavci broj 893-1-1-548-3-737/23 od 28.12.2023.godine, za „Nabavku automatskog injektora kontrastnog sredstva“ donese odluka o izboru najpovoljnijeg ponuđača i ugovor o nabavci dodjeli ponuđaču „BERG“ d.o.o. Sarajevo, u iznosu od **46.200,00 KM bez PDV-a**, a sve prema dostavljenoj ponudi broj P-PON-24-0028 od 22.01.2024.godine (KCUS broj **10-11-3-3325 od 26.01.2024**), koja čini sastavni dio zapisnika.

Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS